

Marrëveshje për Linje Kredie Konsumarore

Nr. _____

Sipas aplikimit Nr. _____ tek Marrëveshja e linjës së Kredisë Nr. _____

Datë: _____

PJESA I. INFORMACION MBI PALËT DHE KREDINË

KREDIDHËNËS

Emri i Shoqërisë: **KREDO FINANCE Shpk**
Numri i Regjistrimit: **L71610009A**
Selia: **Rruga "Muhamet Gjollësia", Ndertesa Tirana Ring Center, Nr. 8, Kati i 9-te, Tirane, Albania**
Vendi i ofrimit:
Adresa e-mail: **info@kredo.al**
Telefon: **+355 44 500 600**

KREDIMARRËS

Emër, mbiemër:
Emri i babait:
Numri personal i identifikimit:
Letërnjoftimi/Pasaporta:
Adresa:
Adresa e-mail:
Telefon:
Menyra e Disbursimit: **Kesh, Llogari Bankare, UFT**

PJESA II. KUSHTET E KREDISË

1. Afati i Kredise

7 ditë 14 ditë 30 ditë

Kredia me Këste

3 muaj 6 muaj 12 muaj 18 muaj 24 muaj

2. Limitet

2.1. Limiti i Linjës së Kredisë: _____ sipas datës së aplikimit

2.2. Shuma e Kredisë së lëvruar:

3. Norma nominale e interesit:

4. NEI, Norma efektive e interesit: _____ % (detajet e përlogaritjes sipas aneks 1)

5. Tarifat

• Komisioni i administrimit të kredisë, _____ %, vlere totale _____

• Komisioni i angazhimit të kredisë: _____ %, vlere totale prej _____ ALL

Ishtohet Principalit Paguhet në momentin e lëvrimit

• Komisioni i lëvrimit të kredisë me para në dorë: _____ %, vlere totale _____ ALL

Ishtohet Principalit Paguhet në momentin e disbursimit

Shuma totale për tu paguar nga Kredimarrësi:

6. SGrafiku i Pagesës

Data e Pagesës	Pagesa e Principalit, ALL:	Pagesa e Interesit, ALL:	Komisioni i Administrimit te, ALL:	Komisioni i Angazhimit	Komisioni per Levrim Kesh	Pagesa totale mujore, ALL

Detyrimi per kredine e pare te cdo Klienti perlogaritet mbi Oferten 0% te publikuar me 13.08.2018. Lexoni me tej ne <https://www.kredo.al/faqet/oferta>

Nëpërmjet nënshkrimit të kësaj Marrëveshje, Kredimarrësi deklaron posaçërisht se ai/ajo është plotësisht në dijeni dhe pranon kushtet e këtij Aplikimi, Grafikut e Pagesave dhe Komisionet e Kushteve të Llogarise Online dhe të Politikës së Privatesisë të Kredidhënës, siç janë ato në fuqi në Datën e Nënshkrimit. Çdo ndryshim i këtyre dokumenteve do t'i njoftohet Kredimarrësit për të dhënë pëlqimin në zbatim të Marrëveshjes së linjës së Kredisë.

Kredimarrësi:

[emri, mbiemri dhe nënshkrimi]

1. Përcaktimet

- 1.1 Termit e përcaktuara në vijim, si dhe termit e përcaktuara diku tjetër në këtë Marrëveshje, do të përdoren në këtë Marrëveshje sipas kuptimit përkatës:
- 1.1.1 **Kredimarrësi:** do të thotë individi i identifikuar si e tillë në hyrjen e kësaj Marrëveshje.
- 1.1.2 **Llogaria Bankare e Kredimarrësit:** do të thotë llogaria bankare e Kredimarrësit shënuar më sipër në hyrje të kësaj Marrëveshje, siç mund të ndryshohet nga Kredimarrësi nëpërmjet një Njoftimi sipas Nenit 12, apo çdo llogari tjetër bankare nga e cila Kredimarrësi ka kryer pagesa për Kredidhënesin.
- 1.1.3 **Kontaktet e Kredimarrësit:** do të thotë adresa e emailit dhe/ose numri i celularit/telefonit të Kredimarrësit, shënuar më sipër në hyrje të kësaj Marrëveshje, siç mund të ndryshohet nga Kredimarrësi nëpërmjet një Njoftimi sipas Nenit 12, tek të cilat Kredimarrësi pranon të kontaktohet dhe të marrë Njoftime dhe komunikime nga Kredidhënesi.
- 1.1.4 **Degët:** janë ambientet e Kredidhënesit dhe/ose të partnerëve të autorizuar prej tij, nëpërmjet të cilave Kredidhënesi ku ushtron aktivitetin; një listë e plotë e Degëve gjendet në Faqen e Internetit të Kredidhënesit <http://www.kredo.al>.
- 1.1.5 **Ditë Pune:** do të thotë çdo ditë e javës përveç ditës së Dielë dhe ditëve të tjera të festave zyrtare në Republikën e Shqipërisë.
- 1.1.6 **Tarifat:** janë tarifrat, komisionet dhe kostot e tjera të shënuara në Tabelën e Interesit dhe Tarifave të Kredidhënesit (përcaktuar si vijon), që Kredimarrësi detyrohet t'i paguajë Kredidhënesit në lidhje me këtë Marrëveshje.
- 1.1.7 **Marrëveshje:** është kjo Marrëveshje Linjë Kredie, lidhur mes Kredimarrësit dhe Kredidhënesit.
- 1.1.8 **Mosmarrëveshjet:** janë mosmarrëveshjet e përcaktuara sipas Nenit 14 të kësaj Marrëveshje.
- 1.1.9 **Lëvrim:** është çdo shumë që Kredidhënesi i disburson Kredimarrësit sipas kësaj Marrëveshje, mbi bazën e një Aplikimi për Disbursim të paraqitur nga Kredimarrësi.
- 1.1.10 **Afati:** është afati i kësaj Marrëveshje, përcaktuar sipas Nenit 4 në vijim.
- 1.1.11 **Rast Mospërmbushjeje:** janë rrethanat e përcaktuara sipas Nenit 13 të kësaj Marrëveshje.
- 1.1.12 **Interesi:** Norma nominale e interesit për shlyerjen e kredisë paraqitet si % mujore e pandryshueshme në vit, llogaritur mbi principlin e mbetur.
- 1.1.13 **Norma e Interesit:** do të thotë norma në përqindje mbi Shumën e Kredisë se mbetur, që Kredimarrësi detyrohet t'i paguajë Kredidhënesit si Interes; Norma e Interesit përcaktohet dhe llogaritet sipas kushteve dhe afateve të Tabelës së Interesit dhe të Tarifave të Kredidhënesit (përcaktuar si vijon), siç është në fuqi në momentin e zbatimit.
- 1.1.14 **Norma Efektive e Interesit:** Norma Efektive e Interesit: Norma Efektive e Interesit është totali i kostos së kredisë për klientin e shprehur si përqindje vjetore e vlerës së kredisë së dhënë. Në momentin e nënshkrimit të marrëveshjes, norma efektive e interesit paraqitet si NEI në %.
- Norma efektive e interesit ka të përcaktuar një normë maksimale sipas rregullores së Bankës së Shqipërisë, e cila është norma efektive e interesit e llogaritur si mesatare e normës efektive të interesit të aplikuar nga cdo institucion kredidhënes gjatë një 6 mujori, duke shtuar edhe një të tretën e saj. Kjo normë vendoset në fund të çdo gjashtëmujori për gjashtëmujorin vijues nga Banka e Shqipërisë dhe botohet në faqen e saj zyrtare të internetit; Për 6 mujorin e dytë të vitit 2022 ky maksimum për kreditë konsumatore është: vlerë kredie nga 0 - 200,000 ALL maksimum prej 136.58% vlerë kredie nga 200,000 - 2 milion ALL maksimum prej 25%.
- 1.1.15 **Kamatëvonesë:** Kamatëvonesat në rastin e pagesave (kësteve/principalit/interesit) që kryhen pasi u ka kaluar afati, siç janë të zbatueshme në kohën kur jepet ky informacion, si dhe penalitetet, të ndryshme nga kamatëvonesat, të cilat aplikohen në rast të mosrespektimit të kushteve dhe/ose afateve të tjera të kontratës; Ne cdo rast kur Kamatvonesa e papaguar arrin ne masen 30% te totalit te detyrimit te papaguar ne vonese, kjo kamatevonesë nuk rritet me ne vijim derisa te paguhet pjeserisht ose e plote..
- 1.1.1 **Kredidhënesi:** është shoqëria KREDO FINANCE SHPK. - NUIS L71610009A ose përfaqësuesi i saj me prokurë UFT.
- 1.1.2 **Llogaria Bankare e Kredidhënesit:** do të thotë çdo llogari bankare e publikuar nga Kredidhënesi në Faqen e Internetit të Kredidhënesit (përcaktuar si vijon), si dhe pranë Degëve.
- 1.1.18 **Shuma e Kredisë:** është shuma totale e të gjitha Disbursimeve të kryera nga Kredidhënesi, që në çdo moment kohor rezulton e pakthyer nga ana e Kredimarrësit.
- 1.1.19 **Aplikim për Ndryshimin e Kushteve:** është çdo kërkesë e shkruar sipas formatit të miratuar nga Kredidhënesi, që Kredimarrësi paraqet pranë Degëve, apo në mënyrë elektronike nëpërmjet Llogarisë Online, për ndryshimin e kushteve origjinale të një shume të Disbursuar.
- 1.1.20 **Aplikim për Disbursim:** është çdo kërkesë e shkruar sipas formatit të miratuar nga Kredidhënesi, që Kredimarrësi paraqet pranë Degëve, apo në mënyrë elektronike nëpërmjet Llogarisë Online, për disbursimin e një Shume Kredije, deri në vlerën e Limitit.
- 1.1.21 **Komisioni i Shtyrjes së Kredisë:** komisioni (-et) për shtyrjen e afatit të Datës së Pagesave.
- 1.1.22 **Komisioni i administrimit të kredisë,** është komision për mirëmbajtjen e kredisë së lëvruar, përlllogaritet i njëjtë cdo muaj mbi vlerën e kredisë së lëvruar, i detyrueshëm për tu paguar për afatin e mbajtjes së kredisë.
- 1.1.23 **Komisioni i angazhimit,** është komision për angazhimin e lëvrimin të kredisë, përlllogaritet mbi vlerën e kredisë së lëvruar, i detyrueshëm për tu paguar i plotë pavarësisht afatit të mbajtjes së kredisë.
- 1.1.24 **Komisioni për lëvrimin e kredisë me para në dorë,** është komisioni që paguhet në rastet kur Kredimarrësi zgjedh që kredia e tij të lëvrohet në kesh dhe jo me transfertë bankare. Përlllogaritet mbi vlerën e kredisë së lëvruar dhe është i detyrueshëm për tu paguar i plotë pavarësisht afatit të mbajtjes së kredisë.
- 1.1.25 **Afati i shtyrjes së kredisë:** afati (-et) i shtyrjes së Datës së Pagesave.
- 1.1.26 **Limiti:** do të thotë vlera totale e miratuar nga Kredidhënesi, deri tek e cila Kredimarrësi lejohet të ketë, në çdo moment kohor, totali i shumave të levuara. Limiti nuk përfshin ndonjënga Tarifat e zbatueshme.
- 1.1.27 **Aplikim për Limit:** është çdo kërkesë e shkruar sipas formatit të miratuar nga Kredidhënesi, që Kredimarrësi paraqet pranë Degëve, apo në mënyrë elektronike nëpërmjet Llogarisë Online, për rritjen e Limitit të miratuar më parë nga Kredidhënesi.
- 1.1.28 **Njoftim:** është çdo njoftim apo komunikim mes Kredidhënesit dhe Kredimarrësit në lidhje me këtë Marrëveshje, sipas përcaktimeve të Nenit 12 të kësaj Marrëveshje.
- 1.1.29 **Llogaria Online:** do të thotë llogaria e klientit, përcaktuar sipas Nenit 10 të kësaj Marrëveshje.
- 1.1.30 **Kushtet e Llogarisë Online:** janë kushtet dhe afatet e miratuara nga Kredidhënesi, siç janë në fuqi në momentin e zbatimit, të cilat rregullojnë mbajtjen dhe operimin e Llogarisë Online; Kredidhënesi publikon në Faqen e Internetit (<https://www.kredo.al/faqet/kushtet-dhe-afatet>) një kopje të Kushteve të Llogarisë Online, në fuqi në çdo kohë, dhe çdo ndryshim i Kushteve të Llogarisë Online do t'i njoftohet Kredimarrësit për miratim nëpërmjet Llogarisë Online, sipas parashikimeve të Nenit 12 të kësaj Marrëveshje.
- 1.1.31 **Tabela e Interesit dhe të Komisioneve të Kredidhënesit:** është tabela e publikuar nga Kredidhënesi në faqen zyrtare

<https://www.kredo.al/faqet/tarifate> ku detajohen kostot e kredisë që janë në fuqi

- 1.1.32 **Shumat e Pashlyera:** do të thotë shumat e përgjithshme që Kredimarrësi detyrohet t'i paguajë Kredidhënësit sipas kësaj Marrëveshje, përbërë nga Shumat e Kredisë, Interesi dhe Tarifate e papaguara në çdo moment kohor.
- 1.1.33 **Pala ose Palët:** janë Kredidhënësi dhe/ose Kredimarrësi, bashkërisht apo veçmas, sipas rastit.
- 1.1.34 **Grafiku i Pagesave:** do të thotë tabela me shumat dhe afatet e rikthimit apo shlyerjes së çdo Shume Kredije, Interesi apo komisioni pranuar nga Kredimarrësi në bazë të një Aplikimi Disbursimi, siç mund të jetë ndryshuar sipas një a më shumë Aplikimeve për Ndryshim të Kushteve, të miratuar nga Kredidhënësi.
- 1.1.35 **Data e Pagesave:** është data në të cilën Kredimarrësi detyrohet të shlyejë një Shumë Kredije, apo të paguajë Interesin dhe/ose Tarifate, sipas Grafikut të Pagesave, apo afateve të tjera të parashikuara sipas kësaj Marrëveshje.
- 1.1.36 **Politika e Privatësisë:** është dokumenti i miratuar nga Kredidhënësi, siç është në fuqi në momentin e zbatimit, që rregullon kushtet dhe afatet e mbledhjes dhe trajtimit të të dhënave personale të Kredimarrësit; Kredidhënësi publikon në Faqen e Internetit (<https://www.kredo.al/faqet/politika-e-privatesise>) një kopje të Politikës së Privatësisë, në fuqi në çdo kohë dhe çdo ndryshim i Politikës së Privatësisë do t'i njoftohet Kredimarrësit për miratim, nëpërmjet Llogarisë Online, sipas parashikimeve të Nenit 12 të kësaj Marrëveshje.
- 1.1.37 **Njoftimi i Korrigjimit:** është njoftimi i përcaktuar sipas Nenit 13 të kësaj Marrëveshje.
- 1.1.38 **Tabela e Interesit dhe Tarifave:** është dokumenti i miratuar nga Kredidhënësi, siç është në fuqi në momentin e zbatimit, që përmban Normën e Interesit, Kamatëvonesën dhe Tarifate, si dhe mënyrat përkatëse të llogaritjes së tyre. Kredidhënësi publikon në Faqen e Internetit një kopje të Tabelës së Interesit dhe Tarifave, në fuqi në çdo kohë dhe çdo ndryshim i Tabelës së Interesit dhe Tarifave do t'i njoftohet Kredimarrësit për miratim, nëpërmjet Llogarisë Online, sipas parashikimeve të Nenit 12 të kësaj Marrëveshje.
- 1.1.39 **Data e Nënshkrimit:** do të thotë data e nënshkrimit të kësaj Marrëveshje nga Kredimarrësi dhe Kredidhënësi, siç është shënuar më sipër.
- 1.1.40 **Njoftimi i Zgjidhjes:** është njoftimi i përcaktuar sipas Nenit 13 të kësaj Marrëveshje.
- 1.1.41 **Faqja e Internetit:** është faqja në internet e Kredidhënësit, www.kredo.al

2. Interpretimi

- 2.1 Kjo Marrëveshje, përveçse kur nga konteksti i dispozitës përkatëse rezultojn ndryshe, do të interpretohet sipas parashikimeve vijuese:
 - 2.1.1 Kur në këtë Marrëveshje i bëhet referencë ndonjë neni, seksioni, paragrafi, apo dokumenti tjetër, atëherë, përveçse kur nga konteksti rezultojn ndryshe, kjo referencë do të jetë tek neni, seksioni apo paragrafi përkatësi i kësaj Marrëveshje, apo tek dokumenti tjetër i cituar në këtë Marrëveshje, siç ky dokument është në fuqi në momentin e zbatimit.
 - 2.1.2 Titujt e përdorur për nenet, paragrafët, nën-paragrafët, janë vetëm për lehtësi referimi në interpretimin e kësaj Marrëveshje dhe nuk do të çenojnë në asnjë mënyrë, kuptimin apo interpretimin e përmbajtjes së dispozitave përkatëse.
 - 2.1.3 Sa herë që në këtë Marrëveshje përdoren fjalët “duke përfshirë”, “përfshin”, “në veçanti”, “për shembull” e të tilla të ngjashme, këto fjalë do të kuptohen të ndjekura nga fjalët “pa u kufizuar vetëm në to”.
 - 2.1.4 Fjalët “këtu”, “në këtë”, “më poshtë” apo fjalë të ngjashme të përdorura në këtë Marrëveshje, përveçse kur nga konteksti rezultojn ndryshe, do të kuptohen si referencë në këtë Marrëveshje në tërësi, dhe jo në ndonjë nen, seksion apo paragraf të veçantë të kësaj Marrëveshje.
 - 2.1.5 Kur afati është caktuar me “ditë”, këto do të jenë ditë kalendarike, përveçse kur parashikohen shprehimisht si Ditë Pune. Një afat prej një ose më shumë ditësh kalendarike ose Ditësh Pune do të nisë të llogaritet duke nisur nga dita kalendarike ose Dita e Punës e mëpasëshme.
 - 2.1.6 Kur afati është caktuar me “javë”, “muaj” ose “vite”, atëherë afati do të llogaritet nga data në datë (“data korresponduese”); kur afati është caktuar në “muaj”, nëse muaji i fundit kalendari i periudhës përkatëse nuk ka një datë korresponduese të ditës së muajit kalendari në të cilën fillon afati, atëherë afati do të përfundojë në ditën e fundit kalendarike të muajit të fundit kalendarike të periudhës.
 - 2.1.7 Termat e përcaktuar në njëjës përfshijnë edhe shumësin, dhe anasjelltas.

3. Objekti dhe Qellimi i Përdorimit të kredisë

- 3.1 Me nënshkrimin e kësaj Marrëveshje, dhe sipas kushteve të saj Kredidhënësi pranon t'i japë kredi Kredimarrësit, duke i miratuar një linjë kredie për përdorim konsumi personal, deri në vlerën e Limitit dhe Kredimarrësi pranon të marrë kredi nga Kredidhënësi, herë pas here, dhe të kthejë shumat e marra kredi, si dhe të paguajë Interesin dhe Tarifate sipas kushteve të rëna dakord në këtë Marrëveshje.

4. Afati

- 4.1 Kjo Marrëveshje lidhet dhe do të mbetet në fuqi për një afat të pacaktuar, duke nisur nga Data e Lidhjes (“Afati”), përveçse kur kjo Marrëveshje zgjidhet sipas parashikimeve të Nenit 13.
- 4.2 Nëse është e zbatueshme sipas ligjit në fuqi, Kredimarrësi ka të drejtë të tërhiqet nga kjo Marrëveshje, pa penalitete, dhe pa qenë i detyruar të deklarojë shkaqe, duke i dërguar Kredidhënësit një Njoftim me shkrim, jo më vonë se 14 (katërbëdhjetë) ditë nga Data e Lidhjes së kësaj Marrëveshje.
- 4.3 Me marrjen e Njoftimit mbi tërheqjen e Kredimarrësit, Kredidhënësi, nëpërmjet një Njoftimi me shkrim, do të informojë Kredimarrësin mbi shumat që duhen kthyer nga Kredimarrësi (nëse ka), të cilat do të përfshijnë çdo shumë të disbursuar, Interesin e zbatuar gjatë ditëve përkatëse si dhe çdo kosto tjetër e shpenzimit e mundshme që Kredidhënësi ka hasur nga veprime me palë të treta, për efekt të miratimit dhe disbursimit të kredisë (këto shuma do të përbëjnë pjesë të Shumave të Pashlyera të kësaj Marrëveshje).
- 4.4 Nëse Kredimarrësi nuk i paguan Kredidhënësit shumat si më sipër, brenda 14 (katërbëdhjetë) ditësh nga data e Data e Lidhjes së kësaj Marrëveshje, atëherë tërheqja e Kredimarrësit nga Marrëveshja nuk do të çenojë zbatueshmërinë e parashikimeve sipas Neneve 8, 9, 12, 14, 16, 17 dhe 18 të kësaj Marrëveshje, të cilat do t'i mbijetojnë tërheqjes së Kredimarrësit.

5. Limiti

- 5.1 Me nënshkrimin e kësaj Marrëveshje, Kredidhënësi i ka miratuar Kredimarrësit Limitin që është njoftuar rregullisht Kredimarrësit.
- 5.2 Kredidhënësi, me diskrecionin e tij të vetëm, ka të drejtë të ulë Limitin me efekt të menjëhershëm, nëse Kredimarrësi shkel detyrimet sipas kësaj Marrëveshje, apo rrezikon një zvogëlim/humbje të ndjeshme të të ardhurave të deklaruara prej tij/saj gjatë aplikimit për kredi, apo gjatë çdo analize kredie të mëpasëshme të kryer nga Kredidhënësi. Kredidhënësi do t'i njoftojë me shkrim Kredimarrësit çdo vendim për ulje të Limitit.
- 5.3 Kredimarrësi ka të drejtë të paraqesë në çdo kohë një Aplikim për Limit, duke kërkuar rritjen e Limitit të miratuar më parë nga Kredidhënësi. Në rast të një Aplikimi për Limit, Kredidhënësi ka të drejtë t'i kërkojë Kredimarrësit çdo informacion apo dokument që vlerëson të nevojshëm për analizën e kërkesës, me kusht që miratimi i çdo rritjeje të Limitit do të jetë në diskrecion të vetëm të Kredidhënësit.
- 5.4 Pavarësisht ndonjë Aplikimi për Limit, Kredidhënësi, në diskrecion të vetëm, mund të rrisë Limitin e miratuar më parë, nëse Kredimarrësi ka një historik të mirë kreditimi me Kredidhënësin. Kredidhënësi do t'i njoftojë me shkrim Kredimarrësit çdo vendim për rritje të Limitit.

6. Disbursimet dhe Kthimi i Kredisë

- 6.1 Gjatë gjithë kohëzgjatjes së kësaj Marrëveshje, Kredimarrësi ka të drejtë, herë pas here, me zgjedhjen e tij/saj të vetme, të paraqesë Aplikime Disbursimi, duke

- kërkuar levrimit e çdo shume, deri në vlerën e Limitit dhe çdo shumë e Disbursuar nga Kredidhënësi do të përbëjë një Shumë Kredije
- 6.2 Për çdo Aplikim Disbursimi paraqitur sipas kësaj Marrëveshje, Kredimarrësi detyrohet të paguajë Tarifën përkatëse sipas Tabelës së Interesit dhe Tarifave në fuqi në momentin e aplikimit.
 - 6.3 Kredidhënësi rezervon të drejtën për të mos kryer Disbursimin, nëse Kredimarrësi njofton zgjidhjen e Marrëveshjes, shkel detyrimet sipas kësaj Marrëveshje apo rrezikon një zvogëlim/humbje të ndjeshme të të ardhurave të deklaruara prej tij/saj gjatë aplikimit për kredi, ose gjatë çdo analize kredie të mëposhme të kryer nga Kredidhënësi. Kredidhënësi gjithashtu rezervon të drejtën për të mos kryer Disbursimin, nëse Kredimarrësi nuk ka pranuar versionin në fuqi të Tabelës së Interesit dhe Tarifave.
 - 6.4 Disbursimi do të kryhet në para në dorë pranë Degëve, apo nëpërmjet një transferte në Llogarinë Bankare të Kredimarrësit, apo pikave të Unionit Financiar Tirane”.
 - 6.5 Kredimarrësi ka të drejtën të tërhiqet nga marrëveshja dhe/ose Marrëveshja e kredisë konsumatore pa dhënë ndonjë arsye për këtë qëllim, brenda një periudhe kalendarike 14 (katërmëbëdhjetë) ditore. Ky afat fillon nga dita e arritjes së marrëveshjes ose lidhjes së Marrëveshjes, dhe njoftimi për terheqjen duhet të kryhet me shkrim tek Kredi dhenesi.
 - 6.6 Kredito Finance njofton konsumatorin në rastin e kërkesës me shkrim për terheqje nga Marrëveshja, për vlerën e kredisë, që duhet t'i rikthehet nga konsumatori dhe interesit dhe tarifave të tjera për ditët përkatëse, si dhe shpenzimet e mundshme të Kredidhënësit të krijuara nga veprime me palë të treta për efekt të disbursimit të kësaj Kredie.
 - 6.7 Në vijim të një Disbursimi, Kredimarrësi do të kthejë Shumën e Kredisë në Datat e Pagesave përcaktuar në Grafikon e Pagesave.
 - 6.8 Kredimarrësi ka të drejtë të paraqesë në çdo kohë një Aplikim për Ndryshimin e Kushteve, duke kërkuar ndryshimin e kësteve dhe Datës së Pagesave në lidhje me një Disbursim të mëparshëm.
 - 6.9 Për çdo Aplikim për Ndryshimin e Kushteve paraqitur sipas kësaj Marrëveshje, Kredimarrësi detyrohet të paguajë Tarifën përkatëse përcaktuar sipas Tabelës së Interesit dhe Tarifave në fuqi në momentin e aplikimit. Kredidhënësi rezervon të drejtën për të mos miratuar një Aplikim për Ndryshimin e Kushteve, nëse Kredimarrësi nuk ka pranuar versionin në fuqi të Tabelës së Interesit dhe Tarifave.
 - 6.10 Kredidhënësi ka të drejtë t'i kërkojë Kredimarrësit çdo informacion apo dokument të vlerësuar të nevojshëm për analizën e Aplikimit për Ndryshimin e Kushteve dhe miratimi i çdo Aplikimi për Ndryshimin e Kushteve do të jetë në diskrecion të vetëm të Kredidhënësit.
 - 6.11 Çdo Aplikim për Ndryshimin e Kushteve, i cili është miratuar nga Kredimarrësi, do të zëvendësojë Grafikon e Pagesave për Disbursimin e kryer më parë.
 - 6.12 Kredidhënësi do t'i njoftojë me shkrim Kredimarrësit miratimin e çdo Aplikimi Disbursimi dhe/ose Aplikimi për Ndryshimin e Kushteve.
 - 6.13 Kredimarrësi mund ta shtyjë afatin e ripagimit të Kredisë deri në Afatin e Shtyrjes, ose të riprogramojë Grafikon e Pagesave deri me një muaj në vijim, duke paguar Komisionin e Shtyrjes, duke pasur parasysh që shlyerja e pagesave të Marrëveshjes të mos vonohet me më shumë se 30 ditë, e nuk do të ketë tjetër shkelje të Marrëveshjes.
 - 6.14 Afatet e Shtyrjes do të hyjnë në fuqi me marrjen e rregullt nga Kredidhënësi të pagesës së Komisionit të Shtyrjes.
 - 6.15 Nëse shtyhet afati i shlyerjes së Kredisë, Kredimarrësi do t'i paguajë Kredidhënësit vetëm Komisionin e Shtyrjes gjatë Afatit të Shtyrjes, kurse shlyerja e pagesave të tjera të Marrëveshjes do të shtyhet.

7. Interesi dhe Tarifat

7.1 Norma nominale e interesit për shlyerjen e kredisë do të jetë e pandryshueshme në vit, llogaritur mbi kryegjënë e mbetur ashtu sic përcaktohet në Tabelën e Interesit dhe Tarifave.

7.2 Normë efektive e interesit është totali i kostos së kredisë për klientin e shprehur si përqindje vjetore e vlerës së kredisë së dhënë. Huamarrësi do t'i paguajë Huadhënësit Interesin mbi Shumat e Kredise që rezultojnë të pakthyer, sipas Normës së Interesit të përcaktuar në Tabelën e Interesit dhe Tarifave, në fuqi në momentin e Aplikimit për Disbursim, apo të Aplikimit për Ndryshim të Kushteve. Interesi do të llogaritet sipas mënyrave të parashikuara në Tabelën e Interesit dhe Tarifave.

Norma efektive e interesit ka të përcaktuar një normë maksimale sipas rregullores së Bankës së Shqipërisë, e cila është norma efektive e interesit e llogaritur si mesatare e normës efektive të interesit të aplikuar nga çdo institucion kredidhënës gjatë një 6 mujori, duke shtuar edhe një të tretën e saj. Kjo normë vendoset në fund të çdo gjashtëmujori për gjashtëmujorin vijues nga Banka e Shqipërisë dhe botohet në faqen e saj zyrtare të internetit; Për 6 mujorin e parë të vitit 2022 ky maksimum për kreditë konsumatore është: vlerë kredie nga 0 - 200,000 ALL maksimum prej 171.41% ; vlerë kredie nga 200,000 - 2 milion ALL maksimum prej 38.79% .

Shembull:

Klienti terheq kredi në vlerën 40,000 ALL. Supozojmë që ai e mban te plote 12 muaj kete kredi dhe e paguan ate në fund të maturimit të marrëveshjes. Në këtë mënyrë, klienti do të paguajë për 12 muaj një kësht prej 5,290 ALL (interesi dhe komisione). Pra në total gjatë 12 muajve klienti paguan 63,480 ALL.

Në formulën me poshtë “i” është NEI 40,000 = 5,290 / [(1+i)] ^(30/365) + 5,290 / [(1+i)] ^(30/365) + ... (10 here) Ateherë “i” me këtë formulë është 1.4971 dhe rrjedhimisht NEI shprehet si 149.71%

7.3 Interesi do të paguhet nga Kredimarrësi në Datat e Pagesave, siç parashikohet nga Grafiku i Pagesave.

7.4 Kredimarrësi detyrohet t'i paguajë gjithashtu Kredidhënësit Tarifën sipas Tabelës së Interesit dhe Tarifave, në fuqi në momentin kur zbatohet

Tarifa dhe përveçse kur parashikohet ndryshe, çdo Tarifë duhet të paguhet nga Kredimarrësi përpara çdo aplikimi që mund t'i paraqitet Kredidhënësit.

8. Kamatvonesat

8.1 Nëse Kredimarrësi nuk kthen Shumat e Kredise, apo nuk paguan interesin, dhe/ose Tarifën e papaguar, (“Shumat e Pashlyera”) sipas afateve të parashikuara në këtë Marrëveshje, atëherë Kredidhënësi ka të drejtë të zbatojë Kamatvonesën, e përcaktuar dhe llogaritur sipas Tabelës së Interesit dhe Tarifave, në fuqi në momentin e zbatimit. Kamatvonesat paguhet nga kredimarrësi dhe nuk tejkalojnë në asnjë rast më shumë se 30 përqind të shumës së detyrimit kontraktor të kështit dhe/ose kësteve të papaguar të kredisë.

Shembull:

Supozojmë se për një kësht pagese kemi 1,000 ALL Principal + 50 ALL Interes + 10 ALL Komision. Në rast se ky kësht nuk paguhet në datën e përcaktuar në grafikon e pagesave, dhe pagesa rezultojnë me një ditë vonesë, gjoha e vonesës për llogaritjen: 1,060 * 2 % = 21.2 ALL. Në ditën e dytë, kjo kamatvonesë do të jetë 21.2 * 2 = 42.4 ALL, dhe me rritjen e ditëve të vonesës, kamatvonesa rritet për çdo ditë vonesë me vlerën 21.2 ALL, deri kur arrijnë maksimumin e saj të lejuar.

8.2 Zbatimi i Kamatvonesës sipas parashikimeve të mësipërme nuk çënon të drejtën e Kredidhënësit për të nisur procedurat e ekzekutimit të detyrueshëm sipas Nenit 17, pa qenë i detyruar të zgjidhë Marrëveshjen, dhe/ose të zgjidhë Marrëveshjen sipas Nenit 13..

9. Kryerja e Pagesave

9.1 Çdo pagesë që Kredimarrësi detyrohet të kryejë ndaj Kredidhënësit sipas kësaj Marrëveshje, do të kryhet me para në dorë pranë Degëve, me transfertë pranë Llogarive Bankare të Kredidhënësit, apo pranë partnerëve të autorizuar rregullisht nga Kredidhënësi, të cilët janë të renditur tek Faqja e Internetit, në monedhën e parashikuar për Shumën e Kredise, Interesin dhe Tarifën. Çdo pagesë që Kredimarrësi detyrohet të kryejë ndaj Kredidhënësit, do të konsiderohet e arkëtuar nga Kredidhënësi në momentin që fondet depozitohen pranë Degëve ose pranë partnerëve të autorizuar, apo kreditohen në Llogaritë Bankare të Kredidhënësit.

9.2 Kredimarrësi detyrohet të kryejë çdo pagesë ndaj Kredidhënësit sipas kësaj Marrëveshje, në shumë të plotë, pa kryer asnjë ulje, mbajtje apo kompensim dhe çdo

kosto bankare që mund të lidhet me kryerjen e Disbursimeve, apo me pagesën e ndonjë shume që Kredimarrësi paguan sipas kësaj Marrëveshje, do të përballohet nga Kredimarrësi.

- 1.1 Kredimarrësi pranon se Kredidhënësi mund të mbajë, zbrësë apo kompensojë nga shuma e çdo Disbursimi/pagese, çdo shumë që Kredimarrësi i detyrohet Kredidhënësit sipas kësaj Marrëveshje. Kredimarrësi ka të drejtë të kryejë në çdo kohe edhe para afatit të maturimit shlyerje të pjesshme të detyrimeve të tij të lindura nga Marrëveshja e kredisë, duke njoftuar me shkrim. Në kete rast Kredidhënësi do të bëjë reduktim të kostos totale të kredisë, duke ulur shumën e interesit dhe shpenzime të tjera të aplikueshme për shumën e kryegjësë së shlyer para afatit të maturimit.
- 1.2 Në rast të pagimit të plotë të detyrimeve përpara kohe, Kredidhënësi do të reduktojë koston totale të kredisë sipas kushteve rregullatore, por duke rezervuar të drejtën për të zbatuar tarifën e parapagimit, sipas Tabelës së Interesit dhe Tarifave, në fuqi në momentin e parapagimit. Në çfarëdo rast parapagimi, siç përmendet këtu, Kredimarrësi duhet t'i dërgojë Kredidhënësit një Njoftim paraprak duke e informuar mbi parapagimin në fjalë dhe duke i kërkuar rillogaritjen e Grafikut të Pagesave dhe koston totale të kredisë së përmendur këtu.
- 1.3 Të gjitha pagesat e marra nga Kredidhënësi dhe të kryera nga Kredimarrësi sipas përcaktimeve të kësaj Marrëveshje do të llogariten si vijon:

Ne rradhë të parë, për shlyerjen e shpenzimeve të kryera për mbledhjen e kredisë në vonesë
Në rradhë të dytë, për shlyerjen e tarifës së vonesës;
Ne rradhë të tretë, për shlyerjen e të gjithë Tarifave
Në rradhë të katert, për shlyerjen e Interesit;
Në rradhë të pestë, për shlyerjen e Kryegjësë;

9.3

- 9.4 Në rast se pagesat që duhen kryer në favor të Kredidhënësit do të bëhen nga një palë e tretë e autorizuar nga Kredimarrësi, Kredimarrësi duhet të njoftojë rregullisht Kredidhënësin më parë se pala e tretë të kryejë pagesat që duhen bërë ndaj Kredidhënësit, nëpërmjet dërgimit të Njoftimit mbi sa përmendet këtu, duke dhënë informacion mbi palën e tretë, siç do të kërkohej nga Kredidhënësi. Kredidhënësi nuk ka detyrim të pranojë pagesat e kryera nga palë të treta të paidentifikuara të bëra për llogari të Kredimarrësit nëse Kredimarrësi nuk informon siç duhet Kredidhënësin mbi sa më lart.

10. Llogaria Online

- 1.1 Me nënshkrimin e kësaj Marrëveshje, Kredimarrësi hap dhe mban një llogari elektronike të klientit ("Llogaria Online") pranë Kredidhënësit, sipas kushteve dhe afateve të Llogarisë Online ("Kushtet e Llogarisë Online").
- 1.2 Llogaria Online do të jetë e aksesueshme elektronikisht nga Faqja e Internetit, sipas parashikimeve të Kushteve të Llogarisë Online.
- 1.3 Llogaria Online do të shërbejë si një platformë nëpërmjet së cilës Kredimarrësi do të menaxhojë marrëdhënien e tij me Kredidhënësin sipas kësaj Marrëveshje, çka përfshin, marrjen e informacionit mbi gjendjen e detyrimeve apo mbi transaksonet e kryera, kryerjen e ndryshimeve në të dhënat e Kredimarrësit, marrjen apo kryerjen e Njoftimeve për/nga Kredidhënësi, kryerjen e aplikimeve të ndryshme, etj. Llogaria Online nuk do të ketë funksionin e një sistemi pagese, për sa kohë që nuk përmbush kërkesat rregullatore të Bankës së Shqipërisë.
- 1.4 Të dhënat e Llogarisë Online do të trajtohen nga Kredidhënësi në përputhje me kushtet e zbatueshme të Politikës së Privatësisë.

11. Deklarimet dhe Garancitë e Kredimarrësit

- 1.1 Me nënshkrimin e kësaj Marrëveshje, Kredimarrësi garanton dhe i deklaron Kredidhënësit, se:
 - 1.1.1 Të gjitha informacionet / dokumentet e paraqitura nga Kredimarrësi për miratimin e aplikimit fillestar të kredisë, dhe/ose ato që mund t'i paraqiten herë pas here gjatë çdo analize kredie të mëpasëshme të kryer nga Kredidhënësi, janë / do të jenë të vërteta e të plota në çdo aspekt, në datën e paraqitjes së tyre tek Kredidhënësi.
 - 1.1.2 Kredimarrësi ka marrë të gjithë informacionin dhe sqarimet e nevojshme para-kontraktore, në lidhje me kushtet dhe afatet e kësaj Marrëveshje.
 - 1.1.3 Kjo Marrëveshje është lidhur lirisht mes Kredimarrësit dhe Kredidhënësit dhe përmban detyrime të vlefshme dhe të zbatueshme ndaj Kredimarrësit dhe personave të tjerë që, sipas ligjit, heqin të drejta prej tij.
 - 1.1.4 Në Datën e Lidhjes, Kredimarrësi nuk gjendet nën ndonjë procedurë të ekzekutimit të detyrueshëm apo falimentimi dhe se këto procedura nuk kanë gjasa të ndodhin dhe se Kredimarrësi do të njoftojë menjëherë Kredidhënësin mbi ndonjë rrethanë që mund të çojë në nisjen ndaj Kredimarrësit, të ndonjë procedure të ekzekutimit të detyrueshëm apo falimentimi.
 - 1.1.5 Kredimarrësi do të njoftojë menjëherë Kredidhënësin mbi ndonjë rrethanë që mund të krijojë ndonjë rrezik për një zvogëlim/humbje të ndryshme të të ardhurave të deklaruara prej tij/saj gjatë aplikimit për kredi, apo gjatë çdo analize kredie të mëpasëshme të kryer nga Kredidhënësi.
 - 1.1.6 Kredimarrësi do të njoftojë menjëherë Kredidhënësin mbi çdo ndryshim të të dhënave të Kredimarrësit, deklaruar në hyrje të kësaj Marrëveshje.

12. Gjuha dhe Njoftimet

- 1.1 Kjo Marrëveshje lidhet në gjuhën Shqipe dhe çdo njoftim, kërkesë ose komunikim apo dokument tjetër që dërgohet në lidhje me këtë Marrëveshje ("Njoftimi") do të jetë në formë të shkruar dhe në gjuhën Shqipe.
- 1.2 Kredidhënësi mund të kryejë Njoftime në adresën fizike, në adresën email apo në kontaktet e tjera të deklaruara nga Kredimarrësi më sipër në këtë Marrëveshje, apo në ndonjë adresë apo kontakt tjetër të Njoftuar nga Kredimarrësi herë pas here. Kredidhënësi mund të kryejë gjithashtu Njoftime për Kredimarrësin nëpërmjet mesazheve elektronike në Llogarinë Online.
- 1.3 Kredimarrësi do të kryejë Njoftime në adresën e selisë së Kredidhënësit, apo nëpërmjet mesazheve elektronike në Llogarinë Online.
- 1.4 Çdo Njoftim i kryer nga Kredidhënësi do të konsiderohet i kryer rregullisht ndaj Kredimarrësit, menjëherë: (a) pasi njoftimi kryhet dorazi tek Kredimarrësi; (b) pas dërgimit të mesazhit në adresën email të Kredimarrësit; (c) me aksesimin e Llogarisë Online nga Kredimarrësi.
- 1.5 Çdo Njoftim i kryer nga Palët me shërbim postar, në adresën fizike të Palës tjetër, konsiderohet i kryer rregullisht ndaj marrësit, në ditën e dytë, pas datës së dorëzimit të Njoftimit tek shërbimi postar, pavarësisht momentit të marrjes nga marrësi.
- 1.6 Pavarësisht sa më sipër, çdo Njoftim i kryer me mjete të tjera komunikimi, i cili provohet të jetë kryer/marrë efektivisht, nuk do të konsiderohet i pavlefshëm vetëm për faktin se njoftimi apo komunikimi është dërguar/marrë në mënyra të ndryshme nga sa më sipër.

13. Zgjidhja e Marrëveshjes dhe Pasojat e Zgjidhjes

- 1.1 Nëse Kredimarrësi shkel detyrimet e tij sipas kësaj Marrëveshje, kjo shkelje do të përbëjë një "Rast Mospërbushje" të kësaj Marrëveshje.
- 1.2 Nëse ka një Rast Mospërbushje, Kredidhënësi mund t'i kërkojë Kredimarrësit me shkrim të korrigjojë Rastin e Mospërbushjes ("Njoftimi i Korrigjimit"), brenda një afati të arsyeshëm (por jo më të shkurtër se 15 ditë), dhe mund të zgjidhë këtë Marrëveshje, nëpërmjet një njoftimi të shkruar drejtuar Kredimarrësit ("Njoftimi i Zgjidhjes"), nëse:
 - 1.3 Rasti i Mospërbushjes nuk korrigjohet brenda këtij afati; ose,
 - 1.3.1 kur Rasti i Mospërbushjes është i pamundur të korrigjohet, Palët nuk merren vesh brenda këtij afati për një kompensim të arsyeshëm.
- 1.4 Njoftimi i Zgjidhjes dërguar nga Kredidhënësi do të ketë si pasojë zgjidhjen e kësaj Marrëveshje, me efekt nga data e Njoftimit të Zgjidhjes, apo nga data e mëvonshme shënuar në Njoftimin e Zgjidhjes.
- 1.5 Palët bien dakord shprehimisht se Kredidhënësi ka të drejtë të zgjidhë menjëherë këtë Marrëveshje, pa ndjekur procedurën e mësipërme, nëpërmjet një Njoftimi Zgjidhjeje drejtuar Kredimarrësit, në rastet vijuese, të cilat Palët bien dakord se janë me interes thelbësor për Kredidhënësin:

- 13.5.1 Kredimarrësi nuk paguan Shumat e Pashlyera, sipas afateve të kësaj Marrëveshje; ose
- 13.5.2 Kredimarrësi është në shkelje të deklarimeve dhe garancive sipas Nenit 11 të kësaj Marrëveshje; ose
- 13.5.3 Kredimarrësi ka pësuar një zvogëlim/humbje të ndjeshme të të ardhurave të deklaruarra prej tij/saj gjatë aplikimit për kredi, apo gjatë çdo analize kredie të mëpasshme të kryer nga Kredihënësi;
- 13.5.4 Kredimarrësi nuk pranon ndryshimet e Njoftuara nga Kredihënësi në Kushtet e Llogarisë Online si dhe në Politikën e Privatësisë;
- 13.5.5 Nëse Kredihënësi nuk mund ta japë më Kredinë Kredimarrësit, në rast se llogaria bankare e Kredimarrësit është bllokuar apo mbyllur, dhe nuk mund të kryhet transferimi i fondeve, me kusht që Kredimarrësi të mos ketë hapur dot një llogari të re bankare e të mos ketë njoftuar rregullisht Kredihënësin nëpërmjet Njoftimit;
- 13.5.6 Nëse Kredihënësi ka identifikuar se Kredimarrësi është bërë një person i ekspozuar politikisht;
- 13.5.7 Nëse Kredihënësi është deklaruar i paafte për të vepruar me zotësi të plotë ligjore dhe biznesi.
- 13.6 Kredimarrësi mund të zgjidhë këtë Marrëveshje nëpërmjet një Njoftimi Zgjidhje të shkruar drejtuar Kredihënësit, në rast të zvogëlimit të Limitit sipas Nenit 5.2, të një refuzimi disbursimi sipas Nenit 6.3, apo gjatë periudhës së përcaktuar sipas Nenit 15.3 të kësaj Marrëveshje, nëse Kredimarrësi vendos të mos pranojë ndryshimin e Njoftuar nga Kredihënësi sipas Nenit 15.3.
- 13.7 Secila Palë mund të zgjidhë këtë Marrëveshje nëpërmjet një Njoftimi Zgjidhje të shkruar drejtuar Palës tjetër, të paktën 30 (tridhjetë) ditë përpara, pa qenë i nevojshme përcaktimi i shkakut të zgjidhjes.
- 13.8 Kredimarrësi nuk mund të zgjidhë këtë Marrëveshje përveçse në rastet e parashikuara më sipër sipas këtij Neni.
- 13.9 Në çdo rast të zgjidhjes së kësaj Marrëveshje afati e pagesës së Shumave të Pashlyera që Kredimarrësi i detyrohet Kredihënësit do të përshejtohet, duke u bërë të detyrueshme për t'u paguar nga Kredimarrësi, brenda 30 (tridhjetë) ditësh nga data e hyrjes në fuqi të zgjidhjes, pavarësisht afateve të rena dakord më parë.
- 13.10 Zgjidhja e kësaj Marrëveshje nuk do të cenojë zbatueshmërinë e parashikimeve sipas Neneve 8, 9, 12, 14, 16, 17 dhe 18 të kësaj Marrëveshje, të cilat do t'i mbijetojnë zgjidhjes së kësaj Marrëveshje.

14. Ligji i Zbatueshëm dhe Gjykatat Kompetente

- 14.1 Kjo Marrëveshje do të rregullohet nga dhe do të interpretohet në përputhje me ligjet e Republikës së Shqipërisë.
- 14.2 Secila Palë bie dakord dhe pranon në mënyrë të parevokueshme se çdo mosmarrëveshje, padi, masë sigurimi, urdhër ekzekutimi apo procedurë tjetër gjyqësore, që lind nga ose në lidhje me këtë Marrëveshje, ("Mosmarrëveshja") do të zgjidhet në mënyrë ekskluzive nga Gjykata e Rrethit Gjyqësor Tiranë.
- 14.3 Palët bien gjithashtu dakord se nisja apo vazhdimi i një Mosmarrëveshje nuk do të përbëjë një shkak të vlefshëm për ndërprerjen e zbatimit të kësaj Marrëveshje dhe nuk do të çlirojë Kredimarrësin nga vazhdimi i përmbyshjes së detyrimeve të marra përsipër nëpërmjet kësaj Marrëveshje.

15. E Gjithë Marrëveshja, Ndryshimet

- 15.1 Kjo Marrëveshje, përfshirë deklaratat hyrëse dhe dokumentet bashkëlidhur, përfaqëson marrëveshjen finale dhe të plotë të Palëve në lidhje me objektin e saj dhe shfuqizon e zëvendëson çdo Marrëveshje, marrëveshje paraprake apo diskutime të mëparshme, qofshin këto verbale ose me shkrim, ndërmjet po këtyre Palëve në lidhje me të njëjtin objekt.
- 15.2 Dispozitat e kësaj Marrëveshje nuk mund të ndryshohen përveçse me anë të një marrëveshje të shkruar (e cila mund të përfshijë dhe marrëveshje në formë elektronike) lidhur rregullisht nga Palët, dhe çdo ndryshim i tillë do të prodhojë efekte duke filluar nga data e nënshkrimit nga Palët (përveçse kur data e hyrjes në fuqi është parashikuar ndryshe).
- 15.3 Pa cënuar parashikimet e mësipërme, Palët bien dakord se Kredihënësi, nëpërmjet një Njoftimi drejtuar Kredimarrësit, ka të drejtë të ndryshojë Interesin e zbatueshëm ndaj një shume të Disburzuar më parë, nëse në vijim të Disbursimit, ndryshohet Tabela e Interesit dhe e Tarifave. Në këto raste, (i) ndryshimi i Njoftuar nga Kredihënësi nuk do të ketë efekt ndaj Kredimarrësit përpara skadimit të një afati prej 30 (tridhjetë) ditësh nga data e Njoftimit të Kredihënësit dhe (ii) gjatë këtij afati 30 (tridhjetë) ditor, Kredimarrësi ka të drejtë t'i Njoftojë Kredihënësit zgjidhjen e Marrëveshje, sipas Nenit 13.5.
- 15.4 Nëse Kredimarrësi nuk i paraqet Kredihënësit një Njoftim Zgjidhjeje, sipas Nenit 13.5, brenda një afati 30 (tridhjetë) ditor të cituar më sipër, atëherë ndryshimi i Interesit të Njoftuar nga Kredihënësi, do të fillojë të zbatohet duke nisur nga përfundimi i këtij afati.

16. Kalimi

- 16.1 Të drejtat dhe detyrimet e Kredimarrësit sipas kësaj Marrëveshje nuk mund t'i kalohen një personi të tretë, pa marrë pëlqimin paraprak me shkrim të Kredihënësit për pranimin e këtij personi të tretë si debitor i ri, dhe ky pëlqim do të jetë në diskrecionin e vetëm të Kredihënësit, përveç rasteve kur detyrimi i Kredimarrësit i kalohet personave të tretë sipas rregullave të trashëgimisë ligjore.
- 16.2 Me nënshkrimin e kësaj Marrëveshje, Kredimarrësi i jep që tani pëlqimin e tij të parevokueshëm Kredihënësit, për t'i kaluar të drejtat dhe/ose detyrimet e Kredihënësi sipas kësaj Marrëveshje një personi të tretë.
- 16.3 Me nënshkrimin e kësaj Marrëveshje, Kredimarrësi i jep gjithashtu, pëlqimin e tij të parevokueshëm, që Kredihënësi të japë apo kalojë, plotësisht apo pjesërisht, në çdo formë, të drejta pagese mbi shumat e arkëtueshme sipas kësaj Marrëveshje, në favor të çdo pale të tretë, pa njoftuar Kredimarrësin, dhe Kredimarrësi, për as kohë nuk ka marrë njoftim mbi ndonjë kalim sipas këtij neni, mbetet i detyruar të kryejë pagesat sipas kësaj Marrëveshje, drejtpërdrejt ndaj Kredihënësit.

17. Titulli Ekzekutiv

- 17.1 Kjo Marrëveshje përbën një akt për dhënien e kredive nga institucionet financiare jobankare dhe si e tillë është titull ekzekutiv i detyrueshëm për Kredimarrësin.
- 17.2 Nëse Kredimarrësi nuk paguan Shumat e Pashlyera, sipas kushteve dhe brenda afateve të përcaktuara sipas kësaj Marrëveshje, atëherë Kredihënësit i lind e drejta të nisë procedurat e ekzekutimit të detyrueshëm për Kredimarrësin, pa cënuar të drejtën e Kredihënësit për të marrë masat e tjera në dispozicion të tij sipas kësaj Marrëveshje dhe/ose sipas ligjit.

18. Të Ndryshme

- 18.1 Kredihënësi nuk do të konsiderohet se ka hequr dorë nga ndonjë e drejtë që i njihet sipas kësaj Marrëveshje, apo sipas ligjit, dhe Kredimarrësi nuk do të konsiderohet i çliuar nga detyrimi për të përmbushur plotësisht këtë Marrëveshje, përveçse kur një dorëheqje e tillë është bërë shprehimisht me shkrim nga Kredihënësi.
- 18.2 Çdo vonesë nga ana e Kredihënësit në ushtrimin e ndonjë të drejtë që i njihet sipas kësaj Marrëveshje, apo sipas ligjit, nuk do të pengojë ushtrimin e mëvonshëm të kësaj të drejte, apo ndjekjen e masave ligjore, për sa kohë këto të drejta nuk janë parashikuar sipas ligjit.
- 18.3 Nëse ndonjë dispozitë e kësaj Marrëveshje konstatohet apo deklarohet nga gjykata ompetente si e pavlefshme apo e pazbatueshme, atëherë kjo nuk do të prekë vlefshmërinë dhe zbatueshmërinë e dispozitave të tjera të Marrëveshjes, dhe dispozita e prekur do të quhet e zëvendësuar automatikisht me një dispozitë të vlefshme, e cila ndjek, për sa është e mundur, qëllimin origjinal të Palëve. Zëvendësimi automatik i dispozitës sipas këtij parashikimi do të jetë pasoja e vetme mes Palëve, nëse ndonjë dispozitë e kësaj Marrëveshje konstatohet apo deklarohet si e pavlefshme apo e pazbatueshme.

NË PRANI TË NJËRA TJETRËS, Palët lidhin këtë Marrëveshje në 2 (dy) kopje origjinale, një për secilën Palë, në datën e shënuar më sipër.

Për Kredidhënësin:

Kredimarrësi:

[Emër, Mbiemër,
Firmë]
Përfaqësues i
Autorizuar

[emri, mbiemri dhe nënshkrimi]

Në bazë të Nenit 686 të Kodit Civil, Kredimarrësi deklaron se është në dijeni të plotë të parashikimeve sipas Neneve 5.2, 6.3, 8, 9, 13, 14, 15.3, 16 dhe 17 të kësaj Marrëveshje, dhe i miraton ato veçmas. Nëpërmjet nënshkrimit të kësaj Marrëveshje, Kredidhënësi, gjithashtu deklaron se është në dijeni të plotë dhe pranon parashikimet e Tabelës së Interesit dhe Tarifave, Kushteve të Llogarisë Online dhe të Politikës së Privatësisë të Kredidhënësit, siç janë në fuqi në Datën e Lidhjes. Çdo ndryshim i këtyre dokumenteve do t'i njoftohet Kredimarrësit për miratim, sipas kësaj Marrëveshje.

Kredimarrësi

ANEKS 1

Normë efektive maksimale e interesit (NEI maksimal)"është norma efektive e interesit e llogaritur si mesatare e normës efektive të interesit të aplikuar sipas llojit të kredisë konsumatore, duke konsideruar/shtuar edhe një të tretën e saj. Kjo normë vendoset në fund të çdo gjashtëmujori për gjashtëmujorin vijues nga Banka e Shqipërisë dhe botohet në faqen e saj zyrtare të internetit.

Formula e perlllogaritjes se Normes Efektive te Interesit (NEI) paraqitet si me poshte:

$$\sum_{K=1}^{K=m} \frac{A_K}{(1+i)^{t_K}} = \sum_{K_2=1}^{K_2=m_2} \frac{A_{2K}}{(1+i)^{t_{K_2}}}$$

, ku

K – Numri që identifikon një dhënie kredie të caktuar

K_2 – Numri që identifikon një këst të caktuar

A_K – Vlera e nje K-je

A_{K_2} – Vlera për një këst K

\sum – Përfaqëson totalin e disa elementëve të caktuar

m – Numri I dhënieve të kredisë

m_2 – Numri total I kësteve

t_K – Interval I shprehur në vite ndermjet datës së caktuar dhe datës së lëvrimit të rradhës dhe të atyre që vijnë më pas 3 deri ne m

t_{K_2} – Interval I shprehur ne vite ndermjet dates së caktuar dhe datës së pagesës së kësteve nga 1 në m_2